

GALATIA LEHKHATHAWNA CHANCHIN ȚHÂ CHU

Zirlai Thupuite

1. Paula: Jentail Mîte Zînga Tirhkoh Chu June 24-30
2. Paula Thuneihna leh Chanchin Țhâ July 1-7
3. Chanchin Țha Thuhmun Chu July 8-14
4. Rinna Avâng Chauha Thiamchantîrna July 15-21
5. Thuhlung Hlui Huna Rinna July 22-28
6. Thutiam Ngaih Pawimawhna July 29-August 4
7. Rinna Kawng Chu August 5-11
8. Bâwih Ațanga Roluahtu Nihna August 12-18
9. Pastor a Nihna Anga Paula Ngenna August 19-25
10. Thuthlung Pahnihte Chu August 26-September 1
11. Kristaa Zalênna September 2-8
12. Thlarauva Nungin September 9-15
13. Chanchin Țha leh Kohhran Chu September 16-22
14. Kraws Chu Chhuangin September 22-29

Principal Contributor: Carl P. Cosaert

Editor: Clifford R. Goldstein

Editorial Assistant: Sharon Thomas-Crews

Publication Manager: Lea Alexander Greve

Design: Justinen Creative Group

Pacific Press® Coordinator: Wendy Marcum

Art Director and Illustrator: Lars Justinen

Associate Editor: Soraya Homayouni

Editorial Office: 12501 Old Columbia Pike, Silver Spring,
MD 20904

Come visit us at our Web site: <http://www.absg.adventist.org>

Translator: Lalțanpuia Kھیangte

Thuhmahruai

MARTIN LUTHERA LEH GALATIA LEHKHATHAWN

PROTESTANT kohhran hrang hrangte chu “Protestant Reformation” tia kan sawi tak hi, thlen kum 500-na cham lâwm tûrin an inbuatsaih mêk a. Kum 500 kal taah khân Thlarau Thianghlim kaihhruaina changin Martin Luther-a chuan mi maktaduai tam takte hnênah kum za tam tak chhông teh meuh mai puithuna âthhlâk leh kohhran kalphung nghet tak hnuai khuh bova lo awm tawh Bible thutak pawimawh êm êm maite chu a rawn chhawp chhuak a nih kha. Protestant thurin hi Galatia mîte hnêna Paula lekhathawn (Rom mîte hnêna a thawn nêh hian) ațanga lo piang chhuak a ni te pawh ti ila, a dik tho âwm e. Galatia Lekhathawn a chhiar laiin Martin Luther-a kha rinna avânga felna thuchah ropui tak hian a rawn khawih ta a, chu thuchah ngei mai chuan Kohhran Siamthatna hring chhuakin, mi maktaduai tam takte chu kum za eng emaw zât chhông kohhran kalphung fel lo leh Pathian thu kalpui dân dik lo tak takin a lo man beh tlat tawhna lak ata a chhuah zalên ta a ni. He lekhathawna a thu chhiarte hian Luther-a kha mi dang daihah a siam a, amah chang ni lovin, khawvêl pawh hi a lo danglam ta vek mai a ni.

Luther-a thih hnu kum zathum vêla lo piang ve chauh Seventh-day Adventist-te pawhin Galatia Lekhathawn lakah hian bat kan nei ve tho va. Galatia Lekhathawn hi ngun taka an zir hnu-ah E.J. Waggoner-a leh A.T. Jones-a te khân kum 1880 leh 1890 chho vêl khân rinna avânga felna thuchah pawimawh tak mai hi min lo hmuhchhuah thartîr leh a ni.

Chutianga Kohhran Siamthatna thlentu bulpui ber a nihna chhan tak chu eng nge maw ni rêng le? Eng vângin nge he lekhathawn hian mi tam tak, entîr nân, Martin Luther-a te ang thinsung kha a lo khawih theih tawh thin? Bible-a lekhahu dang awm vête ang lo takin Galatia Lekhathawn hi chuan Kristiante thlarau nun tâna thupui pawimawh tak takte chu

min hrilh a. He lehkhathawnah hian Paula chuan thu pawimawh tak tak, entîr nân–zalêna chungchâng te, chhandamna kawnga dânin hna a thawh vê te, Kristian kan nihna kawng te, Thlarau Thianghlimin a hruaite nun dân te leh, hmasâng ațanga zawhna awm reng, engtin nge mi sualte hi Pathian thianghlim leh dik hmâah chuan mi felah chhiar an lo nih theih? tih te chu a khel a. Hêng thu pawimawh tak takte zînga a hnuhnûng ber hian Martin Luther-a kha a kawng zawh hi a zawh ăntîr a, chumi ațang chuan a hawi kîr leh ngai ta rêng rêng lo a ni.

Lehkhabu dang, entîr nân, Rom mîte hnêna Paula lehkhathawn pawh hian hêng zawhna zînga ăenkhat hi chu an chhâng ve tho nachungin, Galatia Lehkhathawn hi chu a danglam bîk a. A lehkhathawn dangte âia a tâwi kim zâwk mai bâkah, thupui pawimawh tak tak a chaite hi phûr tak leh hmangaihna nê, a lo chhiartute'n anmahni an lo inngaihbel ngei ngei theihna tûr zâwngin a ziak a, chu chuan Galatia khuua mîte chauh ni lovin, tûnlai mîte ngei pawh hi Pathian Thlarauvin kan thinlung a luah theih nâna inhawng tûrin min khawih ăhîn a ni.

Ni e, Paula lehkhathawn hian mi mal takin kan hnênah thu sawi ăeuh tho mah se, tute hnênah nge a ziah a, eng vânga ziak nge a nih tih bâkah, Thlarau Thianghlim kaihhruaina hnuaiia ziak a ni tih te pawh kan hre tel a nih chuan, a thusawite hi Chiang leh zualin kan hrethiam thei ngei ang.

Mi thiam tam tak chuan Galatia Lehkhathawn hi Paula lehkhathawnte zîngah chuan ziak hmasak ber niin, Jerusalem Inkhâwmpui (*Tirhkohte 15*) an neih hnû, A.D. 49-ah emaw khân a ziak niin an ring a. He lehkhathawn hi Kristiante thuziak zîngah pawh a upa ber a ni maithei bawk. *Tirhkohte Thiltih* bu leh Galatia Lehkhathawnin an sawi ang hian, Kristian hmasate khân chhandamna hi engtia chan tûr nge tiin an zâwt ăhîn a; a bîk takin, Jentail-te chhandam an lo nih ve theih dân tûr thuah pheih chuan nasa takin an inhnial ăhîn a. An zînga Juda

ṭhenkhat, “Jentail-te pawh Juda sakhuaah an inleh phawt a ngai a ni” titute (Judaizers) kha chuan Isua rin *ringawtna* chuan chhandamna a thlensak dâwn lo niin an ngai a. Chuvângin Jentail-te chuan serh an tan ve ngei tûr a ni a; Mosia dânte hi an zâwm ve vek tûr a ni bawk tiin an sawi ṭhîn a (*Tirhkohte 15:1*). Galatia khuua Paulan Jentail kohhran a din pawh khân hêng Juda mi ṭhenkhatte hi “ṭhil sawi fel tûrin” an va kal ta rêng a nih kha.

Chu thu Paulan a lo hriat chuan phûr tak leh ṭhahnemngai takin a chhâng lêt ta a. Rinna leh thiltihte ṭang kawpin chhandamna a thlen a ni tih ngaihdân hi chu chanchin ṭha suak a ni a, Krista hnathawh dah pawimawh tâwk lohna pawh a thlen thei hial a ni tih a hriat avângin, chanchin ṭha thlavâng hauh nân Galatia Lehkhathawn hi a ziak ta a. Ṭawngkam dêngkhâwng tak takte pawh hmang hialin, he zirtîrna dik lo hi dân zawm avânga chhandamna hlawn chhuah tumna a ni tiin a sawi ta khawl khawl mai a ni.

Tûn kuartar-a kan Sabbath Sikul Zirlai hian Paula chu a khualzinna ramah zui ve a, Galatia khuua mîte chu Isuaa awm reng tûra a ngen dân te hriatpui tûrin min sâwm a. Chutih rual chuan, Rom Kohhran nêna an inzawmna a tihchah theih nân leh, Bible-in chanchin ṭha a sawi rawn tlângaupui tûra Martin Luther-a kawng hawnsaktu thutakte kha, keimahni ngei pawh hian engtin chiah nge kan lo hriatthiam ve hlawn tih inen lêt theihna tûr remchâng ṭha tak min siamsak bawk a ni.

Zirlai ziaktu Carl Cosaert-a Pathian thu zirna lamah Ph Dzo tawh a ni a. Tûnah hian Walla Walla University, College Place, Washington-ah Bible subject zirtîr hna a thawk mêk a ni.

Published and edited in Mizo by Malsawma Tochwawng, Director, Sabbath School & Personal Ministries Department, Mizo Conference of Seventh-day Adventists, Box-097, Aizâwl, Mizoram, INDIA- 796001, on behalf of General Conference of Seventh-day Adventists. Printed by Lalnunmawia at KL Offset Press, Tuikhuahtlang, Aizâwl. Copy - 4,300.